

字也。按爾雅謂姪之子爲歸孫。公羊傳毛傳皆云。婦人謂嫁歸。劉氏並依之。喪服傳婦人雖在外。必有歸宗。故謂姪之子爲歸孫。說文歸。女嫁也。从止。婦省。自聲。按姪者。姑呼兄弟之子之稱。詳見上文。則知歸孫者。女子呼兄弟之孫之名。非對男子所立之稱也。

〔伊呂波字類抄末〕歸孫 マコヒコ

〔釋親考〕謂姪之子爲歸孫

釋名。婦人謂嫁曰歸。孫子列。故其所生爲之也。

會典。兄弟之孫爲姪孫。其曾孫爲會姪孫。曾孫女爲孫曾孫女。

胤按。謂吾姑者。吾謂之姪。則歸孫亦自祖姑稱之耳。會典。兄弟之孫云者。泛指兄弟之孫。不可必拘。

從父兄弟姊妹

〔倭名類聚抄<sup>二</sup>〕從父兄弟 爾雅云。兄之子弟之子。相謂爲從父昆弟。<sup>和名伊止古</sup>但兄之子。男爲從父兄。女爲從父姊。弟之子。男爲從父弟。女爲從父妹也。

〔箋注倭名類聚抄<sup>一</sup>〕按從父兄弟姊妹。以年長者爲兄。爲姊。年少者爲弟。爲妹。故爾雅云。相謂。非關父之長少。歷代名畫記。李思訓弟思誨。思誨子林甫。又云。思訓子昭道。林甫從弟也。是林甫爲弟。思誨子。昭道爲兄。思訓子。而云林甫從弟。則兄弟之稱。由其身之長少。不關其父之次序也。然北山抄云。兄子謂從父兄。弟子謂從父弟。姊妹如之。或依子年齒云々。法家不用此說。則知非源君獨誤也。丘璿曰。從父昆弟。今稱從兄弟。按令集解云。從父兄弟。俗云伊止古波良加良。從父姊妹。伊止伎毛也。伊止伎毛。蓋伊止古伊毛之急呼也。是從父兄弟姊妹之正訓。其以斗古者。親昵人之稱。蓋愛子之義。故古謂夫妻若所親交友。皆爲以斗古。萬葉集云。伊刀古名兄乃君。謂夫也。古事記八千矛神歌云。伊刀古夜能。伊毛能美許等。神樂歌云。見之彌川久乎。見名乃與佐佐也云々。伊止己世仁万。伊止己世仁世牟也。並謂妻也。風俗歌云。伊止古世之加止爾云々。謂親友也。而從父兄弟姊妹於親屬中。最所親愛。故曰以斗古波良加良。以斗古伊毛後省呼以斗古也。按從父兄弟姊妹者。父之兄弟之子女也。故儀禮